

yn achte habin, die do uff unßer hern stolle gehören, das die nicht yngehenⁿⁿ), unde was gebrechen die schechte haben, die sal er^{ll}) wandeln, wenne große macht dem bergwercke an dem stollin lyt, wenne vil gruben habin eren wassersig yn den stollen; dorumme gebin ym^{oo}) unßer hern^{pp}) xviii gr. zcu lone alle wochen.

5 Gnediger^{qq}) liber herre. Also wir an uwer gnade bracht habin also von uwers stollen wegen wegzculyen yn fumfftehalbin hauffen, unde ab god bescherthe, daz do ercz irbauwit wurde, doran hette uwer gnade den czhenden unde daz ercz halb, auch so muste man en steuer thuen also uff ander bergwergke.

Auch, gnediger liber herre, also wir uwer gnaden aber vorbracht habin, daz uwer
10 gnade welde gebin munczefrey dy marg vor sebindehalbin guldin, was striff ader strossen ader alde schechte weren ader wo die ammechtluthe dirzenten, do sie dy steuer nicht gegebun kunden ader nicht zcu gebin stunde, wo berg adir alde halden adir hottehölffe, die do wuste legen, do sich nach lüte getruweten von zcu behelffen, das dach uwer gnaden yn die muncze qweme, das sust ewiglichen blebe legen, daz do uwer gnade welde versuchen uff drey
15 yar^{rr}). Weß nu uwer gnaden darynne behegelichen ist, darnach wolle wir iß gerne halden^{qq}).

Den heuwern^{ss}) zcu sagen. Zcum ehrstin daz eyn iglicher hauwer die dornstages frietages und suntages abindes schicht gantz ußfaren und in der gruben hauwen und harren sal glich lang andern arbeitenden schichten in der wochen.

Item daz eyn iglicher hauwer, der unser hern gelt nymet, mit der clapper in die
20 grube faren und synes losers darinne harren sal.

Item wanne eyn hauwer ane erhaffte nod fyeret, dem sal man darvor synen lohn ufhebin, als vil als man eynem andern redelichen hauwer vor eyne vierschicht gibt, er gewynne danne vor sich eynen andern redelichen hauwer, als er selbir ist.

Item daz nymand sin ercz versetzen nach zcu schaden unsern hern und synen
25 gewercken ime bisundern zcu gute eynteils in der gruben vorhalten, sundern alle wochen herawß bestellen sal.

Item das eyn iglicher hauwer an keynen steten synen berg in der gruben dem stollen zcu schaden vorsetzen, auch strassen zcu bergvesten ader dem stollen zcu gute vorlaßen nicht ynriessen nach die kesten besweren sal, sundern den berg fertiglichen
30 uber die gruben bestellen.

Item wo zewene hauwer mit eynander in eyn tiefftis faren und iglicher besundern uff eyn ort gefaren magk, daz sullen sie thun, mit vlisse arbeiten und yrer lozer in der gruben harren.

Item daz nymands uf der hern stollen schaden thun nach ane wißen darin faren
35 sal, sundern wer darin faren unser hern ader sinen fromen suchen wil, der sal das thun mit wißen der amptlewte, die wollen darzcu den bergmeister, stiger oder zcendener bestellen mit faren und raten helffen laßen, das dem stollen deste weniger schade zcu bracht werde.

1005. nn) zugehen C. oo) gibt yn BC. pp) herre iglichem BC. qq) Gnediger — halden (Z. 5—15) fehlt
40 in BC. rr) Vergl. No. 996. ss) Den heuwern bis zum Schlusse fehlt in A. Vergl. No. 994.